

ქ. თბილისი

შემსყიდველი - საქართველოს თავდაცვის სამინისტრო, წარმოდგენილი სახელმწიფო შესყიდვების დეპარტამენტის უფროსის მოვალეობის შემსრულებლის ვლადიმერ ღუდუშაურის სახით.

მისამართი: 0112, ქ. თბილისი, გენერალ გ. კვინიტაძის ქ. N20.

სკ. 204900483.

საბანკო რეკვიზიტები: ანგ. N200122900 სახელმწიფო ხაზინა, საქართველოს თავდაცვის სამინისტრო, კოდი TRESGE22

მიმწოდებელი - შპს "ახალი ქსელები" წარმოდგენილი დირექტორის ნანა შარაშენიძის სახით.

მისამართი: ქ. თბილისი, ანა პოლიტოვსკაიას ქ. 42

ს.კ. 211326732

ტელეფონი: +995577909545

ელ. ფოსტა: office@ak.ge; t.tsertsvadze@ak.ge

საბანკო რეკვიზიტები: ანგარიშის ნომერი: GE02TB1100000021467521, სს „თიბისი ბანკი, მარჯანიშვილის ფილიალი", ბანკის კოდი: TBCBGE22

იმის გათვალისწინებით, რომ შემსყიდველმა ჩაატარა ელექტრონული ტენდერი (კოდი 29 04) **NAT190022822**, სატელეკომუნიკაციო მომსახურების (6 სატელეფონო ნომერზე) (CPV 64200000; 64210000; 64211000; 64211100; 64211200) სახელმწიფო შესყიდვაზე, რომელშიც გამარჯვებულად მიჩნეული იქნა მიმწოდებლის სატენდერო წინადადება, მხარეები შევთანხმდით შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვების შესახებ“ (შემდგომ „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით, ასევე სატენდერო დოკუმენტაციითა და მთელი დოკუმენტაციით, რომელზეც ხელშეკრულებაში არის მინიშნებები;

1.2 „დღე“, „კვირა“, „თვე“ – კალენდარული დღეს, კვირას, თვეს.

1.3 სამუშაო დღე ნიშნავს კალენდარულ დღეს შაბათის, კვირისა და საქართველოს კანონმდებლობით განსაზღვრული უქმე დღეების გარდა.

2. ხელშეკრულების საგანი

2.1 ხელშეკრულების საგანს წარმოადგენს საქართველოს თავდაცვის სამინისტროს 2020 წლის სახელმწიფო ბიუჯეტის დაფინანსების ფარგლებში სატელეკომუნიკაციო მომსახურების (6 სატელეფონო ნომერზე) (შემდგომში - „მომსახურება“) შესყიდვა ხელშეკრულების დანართ(ებ)ის შესაბამისად.

3. ხელშეკრულების ღირებულება

3.1 ხელშეკრულების ჯამური ღირებულება შეადგენს 5,680 (ხუთიათას ექვსასოთხმოცი) ლარს (დღგ-ს ჩათვლით) და მოიცავს მიმწოდებლის ყველა ხარჯს, დაკავშირებულს მომსახურების მიწოდებასთან, ტრანსპორტირებასთან და შემსყიდველისათვის საკუთრებაში გადაცემასთან, მათ შორის, კანონმდებლობით დადგენილ ყველა გადასახადს, მოსაკრებელსა და სახდელს.

3.2 მომსახურების ერთეულის ფასი და რაოდენობა განისაზღვრება ხელშეკრულების დანართ(ებ)ით.

4. ანგარიშსწორება

4.1. ანგარიშსწორება მიმწოდებელთან განხორციელდება ეტაპობრივად, საანგარიშო თვის დასრულების შემდგომ, შესყიდვის ობიექტის მიღება - ჩაბარების აქტის გაფორმებისა და საქართველოს კანონმდებლობით გათვალისწინებული შესაბამისი დოკუმენტაციის წარმოდგენის საფუძველზე 15 სამუშაო დღის ვადაში

4.2. ანგარიშსწორების ვალუტა: ლარი.

4.3. ანგარიშსწორების ფორმა: უნაღდო.

4.4 შემსყიდველის მხრიდან ანაზღაურება განხორციელდება მიმწოდებლის მიერ ფაქტიურად გაწეულის მომსახურების შესაბამისად.

5. სტანდარტები

5.1. ხელშეკრულების ფარგლებში მიწოდებული მომსახურება უნდა შეესაბამებოდეს ტექნიკურ დოკუმენტაციაში მითითებულ სტანდარტებს.

6. საპატენტო უფლებები

6.1 მომსახურების ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო ნიშანი ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

7. ხელშეკრულების შესრულების კონტროლი

7.1 ხელშეკრულების შესრულების კონტროლს განახორციელებს:

7.1.1 საქართველოს თავდაცვის სამინისტროს თავდაცვის ძალების გენერალური შტაბის J-6 კავშირგაბმულობისა და ინფორმაციული სისტემების დეპარტამენტის უფროსის მიერ გამოყოფილი პირები – შესრულების ვადების, მიწოდების ადგილის, მიღება-ჩაბარების, მომსახურების ხარისხის, რაოდენობის (მოცულობის) და საგარანტიო მომსახურების პირობების კონტროლის საკითხებზე;

7.2 კონტროლი განხორციელდება შემდეგი ფორმებით:

7.2.1 ხელშეკრულების პირობებთან მიწოდებული მომსახურების ხარისხისა და რაოდენობის (მოცულობის) შესაბამისობის შემოწმება ვიზუალური (მათ შორის სპეციალისტის მიერ დათვალიერება), აზომვითი, ტექნიკური ან/და დოკუმენტური მეთოდით;

7.2.2 მომსახურების მიწოდების შეთანხმებული ვადების და რაოდენობის (მოცულობის) დაცვის მონიტორინგი;

7.3 კონტროლი ხორციელდება ხელშეკრულების შესრულების ნებისმიერ ეტაპზე, მომსახურების მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

7.4 კონტროლის განხორციელების ადგილია: მომსახურების მიწოდების ადგილი და სხვა ნებისმიერი ადგილი შემსყიდველის არჩევანის მიხედვით.

7.5 კონტროლის განხორციელებისას მიმწოდებელი ვალდებულია შეასრულოს „ელექტრონული ტენდერის ჩატარების წესის“ 37-ე მუხლით განსაზღვრული მოთხოვნები.

8. მომსახურების მიწოდების პირობები

8.1 მომსახურება უნდა განხორციელდეს 2020 წლის 01 თებერვლიდან ეტაპობრივად 2021 წლის 31 იანვრის ჩათვლით.

8.2 მომსახურების გაწევის/სამუშაოს შესრულების ფორმა და ადგილი განისაზღვრება დანართი №1-ით და დანართი №3-ით

9. ხარისხი

9.1 მომსახურების ტექნიკური მახასიათებლები და ხარისხი ერთდროულად უნდა შეესაბამებოდეს ამ ხელშეკრულებისა და შემსყიდველის მიერ განსაზღვრულ ტექნიკურ პირობებს, პარამეტრებს და წარმოდგენილ ნიმუშს (ასეთის არსებობის შემთხვევაში);

10. გარანტია

10.1 მომსახურების გარანტია არ მოითხოვება.

11. შესყიდვის ობიექტის მიღება-ჩაბარების წესი

11.1 მიმწოდებლის მიერ მომსახურების გადაცემა და შემსყიდველის მიერ მისი მიღება დასტურდება ორივე მხარის უფლებამოსილი წარმომადგენლების (შემსყიდველის მხრიდან 7.1.1. პუნქტში მითითებული პირ(ებ)ის) მიერ ხელმოწერილი მიღება-ჩაბარების აქტით.

11.2 მიღება-ჩაბარების აქტის გაფორმების შემთხვევაში, მომსახურების მიწოდების თარიღად ჩაითვლება შემსყიდველისთვის მომსახურების დროებით შენახვაზე გაფორმებული მიღების აქტის თარიღი.

11.3 მომსახურების დროებით შენახვაზე გაფორმებული მიღების აქტი არ წარმოადგენს მომსახურების საბოლოოდ მიღების დამადასტურებელ დოკუმენტს და არ წარმოშობს ანგარიშსწორების ვალდებულებას.

11.4 შემსყიდველი (7.1.1 ქვეპუნქტში მითითებული პირები) უფლებამოსილია დროებით შენახვაზე მიღებული მომსახურების ნიმუშ(ებ)ი, ხოლო პარტიებათ მიწოდებულ მომსახურებაზე, ყოველი პარტიიდან მიწოდებული მომსახურების ნიმუშ(ებ)ი, ხელშეკრულების მოთხოვნებთან შესაბამისობის დადგენის მიზნით, მომსახურების დროებით შენახვაზე მიღების აქტის გაფორმების შემდეგ გადააგზავნოს შესაბამის საექსპერტო დაწესებულებაში რის შესახებაც უნდა აცნობოს სახელმწიფო შესყიდვების დეპარტამენტს.

11.5 მიმწოდებელი უფლებამოსილია დროებით შენახვაზე შემსყიდველისათვის გადაცემული მომსახურების ნიმუშ(ებ)ი, ხოლო პარტიებათ მიწოდებულ მომსახურებაზე, ყოველი პარტიიდან მიწოდებული მომსახურების ნიმუშ(ებ)ი, ხელშეკრულების მოთხოვნებთან შესაბამისობის დაჩქარებული წესით დადგენის მიზნით, მომსახურების დროებით შენახვაზე მიღების აქტის გაფორმებიდან 5 (ხუთი) სამუშაო დღის ვადაში წარადგინოს შემსყიდველთან (7.1.1 ქვეპუნქტში მითითებული პირები) შეთანხმებულ შესაბამის საექსპერტო დაწესებულებაში. ამ შემთხვევაში მომსახურების ნიმუშ(ებ)ის ტრანსპორტირების და საექსპერტო კვლევის ხარჯებს იხდის მიმწოდებელი.

11.6 შემსყიდველი უფლებამოსილია, განაცხადოს უარი მომსახურების ან მისი ნაწილის მიღებაზე და მათ ანაზღაურებაზე, თუ:

11.6.1 იგი უხარისხია (მათ შორის ხელშეკრულებით გათვალისწინებული ხარისხის შესაბამის); ან/და

11.6.2 მიწოდებულია ხელშეკრულებაში ან/და მოთხოვნაში (შეკვეთაში) მითითებულ რაოდენობაზე მეტი ოდენობით (ნამეტის ფარგლებში); ან/და

11.6.3 მიწოდებულია ხელშეკრულებაში ან/და მოთხოვნაში (შეკვეთაში) მითითებულ რაოდენობაზე ნაკლები; ან/და.

11.6.4 სრული მოცულობით არ არის წარმოდგენილი ხელშეკრულებით გათვალისწინებული დოკუმენტაცია; ან/და

11.6.5 ხარვეზების გამოსწორება შეუძლებელია; ან/და

11.6.6 კანონმდებლობით გათვალისწინებულ სხვა შემთხვევებში.

11.7 მიღება-ჩაბარების აქტის ხელმოწერამდე, ყველა ქონებრივი უფლება მომსახურებაზე ეკუთვნის მიმწოდებელს და რისკები მისი შემთხვევით (მთლიანად ან ნაწილობრივ) დაღუპვაზე, გაფუჭებაზე ან სხვა ზიანზე ეკისრება მიმწოდებელს, ხოლო, მიღება-ჩაბარების აქტის ხელმოწერის მომენტიდან, აღნიშნული უფლებები და რისკები გადადის შემსყიდველზე.

11.8 მომსახურების (მისი ნაწილის) მიღების და/ან საბოლოო შემოწმების შედეგად გამოვლენილი ნაკლი აღმოფხვრას საკუთარი ხარჯებით უზრუნველყოფს მიმწოდებელი.

11.9 მიმწოდებელი ვალდებულია, გადასცეს შემსყიდველს უფლებრივად და ნივთობრივად უნაკლო (ხელშეკრულებით გათვალისწინებული ხარისხის) მომსახურება.

12. ხელშეკრულების შესრულების უზრუნველყოფის გარანტია

12.1 ხელშეკრულების შესრულების უზრუნველყოფის საბანკო გარანტია არ მოითხოვება.

13. უფლებების გადაცემა

13.1 დაუშვებელია მიმწოდებლის მიერ ხელშეკრულებით გათვალისწინებული უფლება-მოვალეობების მთლიანად ან ნაწილობრივ სხვა პირისთვის გადაცემა შემსყიდველის წინასწარი წერილობითი თანხმობის გარეშე.

14. ხელშეკრულების შესრულების შეფერხება

14.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომლის გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.

14.2 თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

15. ხელშეკრულებაში ცვლილებების შეტანა

15.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

15.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანი ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

15.3 ნებისმიერი ცვლილება, რომელსაც მოჰყვება ხელშეკრულების ჯამური ღირებულების გაზრდა ან შემსყიდველისათვის პირობების გაუარესება დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

15.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

15.5 ხელშეკრულების პირობების ნებისმიერი ცვლილება უნდა გაფორმდეს ორმხრივად ხელმოწერილი წერილობითი დოკუმენტის შედგენით, რაც წარმოადგენს ხელშეკრულების განუყოფელ ნაწილს.

15.6. ხელშეკრულებაში დამატებების და/ან ცვლილებების შეტანის დოკუმენტს ხელს აწერენ მხარეთა უფლებამოსილი წარმომადგენლები.

16. ხელშეკრულების პირობების შეუსრულებლობა

16.1 მიმწოდებლის მიერ ამ ხელშეკრულებით გათვალისწინებული მოთხოვნების შეუსრულებლობის შემთხვევაში, მიმწოდებელს, წინასწარი შეტყობინების გარეშე, დაეკისრება შემსყიდველისათვის შემდეგი ოდენობის პირგასამტეხლოს გადახდა:

16.1.1 მომსახურების მიუწოდებლობისათვის (მათ შორის ხელშეკრულებით განსაზღვრულ ვადაში, უხარისხო, არასრული მოცულობით, საჭირო დოკუმენტაციის გარეშე) მიუწოდებელი შესყიდვის ობიექტის ღირებულების 0,02% ყოველ ვადაგადაცილებულ დღეზე.

16.2 თუ მიმწოდებელს შემსყიდველისაგან მიღებული აქვს ავანსი და ამ ხელშეკრულებას ამოეწურა ვადა, მათ შორის შეწყდა ვადადამდე, მაშინ მიმწოდებელი ვალდებულია ხელშეკრულების შეწყვეტიდან 10 დღის ვადაში დაუბრუნოს შემსყიდველს ავანსი (მიღება-ჩაბარების აქტით გაფორმებული და შესრულებული ნაწილის გამოკლებით);

16.3 თუ მიმწოდებელი 16.2. პუნქტის შესაბამისად არ დაუბრუნებს შემსყიდველს ავანსს, შემსყიდველი უფლებამოსილია განახორციელოს თავისი, როგორც საბანკო გარანტიის ბენეფიციარის უფლებები, კანონმდებლობით გათვალისწინებული წესით.

16.4 პირგასამტეხლოს დარიცხვის მიუხედავად, შემსყიდველი უფლებამოსილია:

16.4.1 ამ ხელშეკრულებით გათვალისწინებული პირობების დაცვით, შეწყვიტოს ან შეინარჩუნოს ეს ხელშეკრულება;

16.4.2 მიღება-ჩაბარების აქტი გააფორმოს მომსახურების მხოლოდ იმ ნაწილზე, რომელიც შეესაბამება ამ ხელშეკრულებით განსაზღვრულ მოთხოვნებს, ხოლო მომსახურების იმ ნაწილზე, რომელიც არ შეესაბამება ამ ხელშეკრულებით განსაზღვრულ მოთხოვნებს დაარიცხოს პირგასამტეხლო ამ მუხლის შესაბამისად;

16.5 შემსყიდველის მიერ შესყიდვის ობიექტის ღირებულების ხელშეკრულებით განსაზღვრულ ვადაში და პირობებით მიმწოდებლისათვის გადაუხდელობის შემთხვევაში, მიმწოდებელს უფლება აქვს დააკისროს შემსყიდველს პირგასამტეხლოს გადახდა, გადაუხდელი თანხის 0,02 %-ის ოდენობით ყოველ ვადაგადაცილებულ სამუშაო დღეზე.

16.6 დღეების მიხედვით დარიცხვადი პირგასამტეხლოს გადახდა არ ათავისუფლებს მხარეს ამ ხელშეკრულებიდან გამომდინარე ვალდებულებების შესრულებისგან.

16.7 დღეების მიხედვით დარიცხვადი პირგასამტეხლოს დარიცხვა წყდება მხარის მიერ ვალდებულების შესრულების შემდეგ ან ხელშეკრულების მოქმედების ვადის გასვლის შემდეგ ან ხელშეკრულების შეწყვეტის შემდეგ, იმის მიხედვით თუ ამ გარემოებიდან რომელი უფრო ადრე დადგება.

16.8 ხელშეკრულების შეწყვეტის ან მოქმედების ვადის გასვლის შემთხვევაში, მიმწოდებლის მიერ ხელშეკრულების პირობების ნაწილობრივ (არაჯეროვნად) შესრულებისათვის, მიმწოდებელს დაეკისრება პირგასამტეხლო მიუწდებელი შესყიდვის ობიექტის ღირებულების 10%-ის ოდენობით, ხოლო ხელშეკრულების პირობების შეუსრულებლობისათვის, მიმწოდებელს დაეკისრება პირგასამტეხლო ხელშეკრულების საერთო ღირებულების 20%-ის ოდენობით.

17. ხელშეკრულების შეწყვეტა

17.1 ეს ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად, თუ მეორე მხარე არ/ან არაჯეროვნად ასრულებს ნაკისრ ვალდებულებას, რის თაობაზეც ამ მეორე მხარეს წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა. ამასთან, დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება, ასევე საქართველოს სამოქალაქო კოდექსით გათვალისწინებულ შემთხვევებში.

17.2 ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს:

ა) იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა და კანონის შესაბამისად უნდა შესრულდეს ხელშეკრულების შეწყვეტიდან გამომდინარე ან/და მოთხოვნის უზრუნველყოფის დამატებით საშუალებად გამოიყენება (ამ მოთხოვნის არსებობის პერიოდში);

ბ) ზიანის ანაზღაურების მოთხოვნის დაკმაყოფილების ვალდებულებისაგან (ზიანის არსებობის შემთხვევაში).

17.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

18. ფორს-მაჟორი

18.1 მხარეები თავისუფლდებიან პასუხისმგებლობისაგან ვალდებულებების სრული ან ნაწილობრივი შეუსრულებლობისათვის ფორს-მაჟორის შემთხვევაში, როდესაც ნაკისრი ვალდებულებების შესრულება შეუძლებელია;

18.2 ფორს-მაჟორში იგულისხმება გარემოება, რომელიც არ არსებობდა ამ ხელშეკრულების დადების მომენტისათვის და რომლის თავიდან აცილება მხარეს არ შეეძლო, კერძოდ, საომარი მდგომარეობა, საბრძოლო მოქმედება, წყალდიდობა, მიწისძვრა, ხანძარი, ავარია, გაფიცვა, ეპიდემია, სახაზინო სამსახურის მიერ შემსყიდველის მხრიდან თანხის გადახდის თაობაზე გაგზავნილი მოთხოვნის დაკმაყოფილების შეჩერება ან უარყოფა, საბიუჯეტო ასიგნების შემცირება და სხვა მსგავსი გარემოებები;

18.3 თუ ფორს-მაჟორის გამო შეუძლებელია ვალდებულების შესრულება, მიმწოდებელი ვალდებულია დაუყოვნებლივ, მაგრამ არაუგვიანეს 5 სამუშაო დღისა ფორს-მაჟორის დადგომიდან, აცნობოს შემსყიდველს ნაკისრი ვალდებულების შეუსრულებლობის შესახებ, სათანადო მიზეზების მითითებით. მოცემულ ვადაში შეუტყობინებლობის შემთხვევაში მიმწოდებელი კარგავს უფლებას დაეყრდნოს ფორს-მაჟორული გარემოების არსებობას, როგორც პასუხისმგებლობისაგან გათავისუფლების საფუძველს. ფორს-მაჟორის ფაქტი და მისი მიზეზ-შედეგობრივი კავშირი ვალდებულების შეუსრულებლობასთან უნდა დადასტურდეს დოკუმენტალურად;

18.4 ფორს-მაჟორის მიუხედავად მხარე, რომლისთვისაც ნაკისრი ვალდებულებების შესრულება შეუძლებელი ხდება, კეთილსინდისიერებისა და გონიერების ფარგლებში, მიმართავს ვალდებულების შესრულების ყველა შესაძლო ალტერნატიულ ხერხს;

18.5 თუ ფორს-მაჟორული მდგომარეობა 30 დღეზე მეტ ხანს გრძელდება, მხარეებს უფლება აქვთ ცალმხრივად შეწყვიტონ ხელშეკრულება;

19. სადაო საკითხების გადაწყვეტა

19.1 მხარეები თანხმდებიან, რომ მათ შორის ამ ხელშეკრულებასა ან მის განხორციელებასთან დაკავშირებული ნებისმიერი სადაო საკითხი მოლაპარაკების მეშვეობით მოაგვარონ.

19.2 თუ სადაო საკითხი მოლაპარაკებით ვერ მოგვარდა, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს საქართველოში.

20. გადასახადები და დაბეგვრა

20.1 მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახდელის გადახდაზე.

21. შეტყობინება

21.1 თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით და იგზავნება საფოსტო გზავნილის სახით ან მიეწოდება უშუალო ადგილსამყოფლის მიხედვით. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

21.2 შემსყიდველის მიერ შეტყობინება მიწოდებულად ითვლება იმ შემთხვევაშიც, თუ მან შეტყობინება გაგზავნა მიმწოდებლის ყოფილ მისამართზე, რომელიც მიმწოდებელმა შეცვალა, მაგრამ ამის თაობაზე არ აცნობა შემსყიდველს. ამ შემთხვევაში შეტყობინება მიწოდებულად ითვლება გაგზავნის მეორე სამუშაო დღეს.

22. სხვა პირობები

22.1 ხელშეკრულება ძალაში შედის საქართველოს თავდაცვის სამინისტროს მიერ ელექტრონული შტამპის დასმის თარიღიდან და მოქმედებს 2021 წლის 31 მარტის ჩათვლით.

22.2 ხელშეკრულების დანართ(ებ)ი წარმოადგენს წინამდებარე ხელშეკრულების განუყოფელ ნაწილს.

22.3 ყველა სხვა საკითხი რაც არ რეგულირდება ამ ხელშეკრულებით რეგულირდება საქართველოს კანონმდებლობით.


შემსყიდველის მხრიდან:

ვ. ლუდუშაური

სახელმწიფო შესყიდვების

დეპარტამენტის უფროსის

მოვალეობის შემსრულებელი



მიმწოდებლის მხრიდან:

ნ. შარაშენიძე

შპს "ახალი ქსელები"-ს

დირექტორი

მიმწოდებელმა უნდა უზრუნველყოს:

- ხარისხიანი და უწყვეტი სატელეფონო კავშირის უზრუნველყოფა;
- სატელეფონო ნომრის შენარჩუნება;
- მომსახურების მიწოდება სატელეკომუნიკაციო კომპანიიდან საქართველოს თავდაცვის სამინისტრომდე სატელეფონო კაბელის საშუალებით;
- სატელეფონო ნომრის ან ფიზიკური ხაზის დაზიანების შემთხვევაში სააბონენტო გადასახადის დარიცხვის შეჩერება დაზიანების აღმოფხვრამდე;
- ქვეყნის მასშტაბით ტელეფონის სააბონენტო და წუთობრივი მომსახურების ერთიანი ტარიფი;
- კომპანიის შიდა სატელეფონო ქსელში ქვეყნის მასშტაბით უფასო და ულიმიტო (მათ შორის საქალაქთაშორისო) საუბარი, მობილურ და სხვა ოპერატორებთან საქალაქთაშორისო და საერთაშორისო საუბრებზე შეზღუდვის შენარჩუნებით;
- საქართველოს თავდაცვის სამინისტროს მოთხოვნის შესაბამისად სხვა სატელეკომუნიკაციო კომპანიის სატელეფონო ქსელში გამავალი ზარების შეზღუდვა და მოხსნა;
- საქართველოს თავდაცვის სამინისტროს მოთხოვნის საფუძველზე კონკრეტულ სატელეფონო ნომერზე განსაზღვრული ყოველთვიური ლიმიტის ფარგლებში მობილურ, საქალაქთაშორისო და საერთაშორისო ნომრებზე გასვლა (ლიმიტის ამოწურვის შემთხვევაში მობილურ, საქალაქთაშორისო და საერთაშორისო მომსახურების შეჩერება მიმდინარე თვის განმავლობაში;
- საერთაშორისო, საქალაქთაშორისო, სხვა ფიქსირებულ ოპერატორებთან სატელეფონო მომსახურების დამრგვალება 1 წმ. სიზუსტით;
- საქართველოს თავდაცვის სამინისტროს მოთხოვნის საფუძველზე კონკრეტულ სატელეფონო ნომერზე ADSL მომსახურების მოთხოვნილი პაკეტის ჩართვა კომპანიის კუთვნილი აპარატურის საშუალებით;
- სატელეკომუნიკაციო კომპანიამ უზრუნველყოს ADSL მომსახურების სტაბილური და უწყვეტი მიწოდება;
- საქართველოს თავდაცვის სამინისტროს მოთხოვნის საფუძველზე და ADSL მომსახურების გათიშვის ან აპარატურის დაზიანების შემთხვევაში სააბონენტო გადასახადის დარიცხვის შეჩერება მომსახურების აღდგენამდე;
- მოკლე სატელეფონო ნომერზე სააბონენტო გადასახადი არ უნდა აღემატებოდეს საქართველოს კომუნიკაციების ეროვნული კომისიის მიერ განსაზღვრულ მინიმალურ ზღვარს;
- საქართველოს თავდაცვის სამინისტროს შიდა ავტომატური სატელეფონო სადგური, შიდა ტელეფონებიდან ქალაქის ტელეფონზე დარეკვის მიზნით, ახორციელებს ზარების მარშრუტიზაციას შესაბამისი საკომუნიკაციო კომპანიის მიმართულებით;
- E1 არხზე მიბმული ზემოთ აღნიშნული ტელეფონების ნომრების გამოყენებით შესაბამისი საკომუნიკაციო კომპანიის შიდა სატელეფონო ქსელში ზარები უნდა გახორციელდეს უფასოდ და ულიმიტოდ;
- E1 არხზე მიბმული ზემოთ აღნიშნული ტელეფონების ნომრების გამოყენებით სხვა საკომუნიკაციო კომპანიის ქსელში სატელეფონო ზარები გახორციელდეს ულიმიტოდ;
- თითოეულ E1 არხზე 30 ერთდროული ზარის გახორციელების შესაძლებლობა;
- ყველა სახის დაზიანების აღმოფხვრა გახორციელდეს დროულად და უსასყიდლოდ მიმწოდებლის მიერ;
- ხელშეკრულების მოქმედების პერიოდში შესაძლებელია წარმოიშვას დამატებით ახალი სატელეფონო ნომრების, ADSL მომსახურების, მოკლე სატელეფონო ნომრების, E1 არხების ჩართვა და ამის შესაბამისი მომსახურების აუცილებლობა, იგივე პირობებით.

მომსახურების გაწევის ვადები: 2020 წლის 1 თებერვლიდან 2021 წლის 31 იანვრის ჩათვლით.

შემსყიდველის მხრიდან ანაზღაურება გახორციელდება მიმწოდებლის მიერ ფაქტიურად გაწეული მომსახურების შესაბამისად.

ხელშეკრულების მიმდინარეობის პროცესში შესაძლებელია სახელშეკრულებო თანხის ცვლილების გარეშე წუთობრივი რაოდენობის ცვლილება (ადგილობრივი სხვა ქსელის, მობილური, საქალაქთაშორისო და საერთაშორისო საუბრები).

შემსყიდველის მხრიდან:

ვ. ლუდუშაური

სახელმწიფო შესყიდვების

დეპარტამენტის უფროსის

მოვალეობის შემსრულებელი

მიმწოდებლის მხრიდან:

ნ. შარაშენიძე

შპს "ახალი ქსელები"-ს

დირექტორი

დანართი N2

| N | დასახელება, მომსახურების აღწერა | ზ/ე | რაოდენობა | ერთეულის ფასი | საერთო ღირებულება (ლარი) |
|-----------------------|--|------|-----------|---------------|-----------------------------|
| 1 | სატელეფონო ნომრებზე საბონენტო გადასახადი | ცალი | 5 | 2 | 120 |
| 2 | E1 ტიპის არხის მომსახურება | ცალი | 1 | 200 | 2400 |
| 3 | ადგილობრივი სატელეფონო ქსელის შიდა ნომრებზე, მათ შორის ფიქსირებულ და უკაბელო ტელეფონის აბონენტებთან | წუთი | უღიმიტო | | 0 |
| 4 | ადგილობრივი სატელეფონო საუბარი სხვა ქსელის შიდა ნომრებზე, მათ შორის ფიქსირებულ და უკაბელო ტელეფონის აბონენტებთან | წუთი | 70000 | 0.04 | 2800 |
| 5 | სატელეფონო საუბარი მობილურ ოპერატორებთან | წუთი | 1200 | 0.1 | 120 |
| 6 | საქალაქთაშორისო საუბრები ქსელის შიდა ნომრებზე, მათ შორის ფიქსირებულ და უკაბელო ტელეფონის აბონენტებთან | წუთი | უღიმიტო | | 0 |
| 7 | საქალაქთაშორისო საუბრები სხვა ქსელის შიდა ნომრებზე, მათ შორის ფიქსირებულ და უკაბელო ტელეფონის აბონენტებთან | წუთი | 2000 | 0.06 | 120 |
| 8 | საერთაშორისო სატელეფონო საუბარი ფიქსირებული ტელეფონის ნომრებზე და მობილურ ოპერატორებთან | წუთი | 600 | 0.2 | 120 |
| სულ ჯამი: (ლარი, დღე) | | | | | 5680 |

*შენიშვნა: წუთობრივი რაოდენობა არის საორიენტაციო და შესაძლებელია შეიცვალოს ხელშეკრულების მიმდინარეობის პროცესში.

შემსყიდველის მხრიდან:
 ვ. ლუდუშაური
 სახელმწიფო შესყიდვების
 დეპარტამენტის უფროსის
 მოვალეობის შემსრულებელი



მიმწოდებლის მხრიდან:
 ნ. შარაშენიძე
 შპს "ახალი ქსელები" -ს
 დირექტორი


საქართველოს თავდაცვის სამინისტროს სატელეფონო ნომრები

| N | ტელეფონის ნომერი | მისამართი |
|---|------------------|--|
| 1 | 322543535 | ქ.თბილისი, გიორგი კვინიტაძის ქუჩა, №20 |
| 2 | 322135202 | საჩხერე სოფ. კალვას გზატკეცილი |
| 3 | 431240860 | ქ. ქუთაისი. ვარლამიშვილის N52 |
| 4 | 431240867 | ქ. ქუთაისი. ვარლამიშვილის N52 |
| 5 | 431243781 | ქ. ქუთაისი. ვარლამიშვილის N52 |
| 6 | 431278109 | ქ. ქუთაისი. ნინოშვილის მე-6 ჩიხი |

შემსყიდველის მხრიდან:

ვ. ლუდუშაური

სახელმწიფო შესყიდვების
დეპარტამენტის უფროსის
მოვალეობის შემსრულებელი



მიმწოდებლის მხრიდან:

ნ. შარაშენიძე

შპს "ახალი ქსელები"-ს
დირექტორი

საფუძველი:

საქართველოს თავდაცვის სამინისტროს 2020 წლის სახელმწიფო შესყიდვების გეგმა.

წინამდებარე ხელშეკრულების გაფორმების პროცესში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნას და ინტერესთა კონფლიქტში არ ვიმყოფებით.

ვიზირებულია:



გ. ხაინდრავა

საქართველოს თავდაცვის სამინისტროს
სახელმწიფო შესყიდვების დეპარტამენტის
უფროსის მოადგილე


ვიზირებულია:



ლ. გულედანი

საქართველოს თავდაცვის სამინისტროს
ფინანსების მართვის დეპარტამენტის
უფროსის მოვალეობის შემსრულებელი

ვიზირებულია:



გ. იაგორაშვილი

საქართველოს თავდაცვის სამინისტროს
სახელმწიფო შესყიდვების დეპარტამენტის
ელექტრონული შესყიდვების
სამმართველოს უფროსის მოვალეობის
შემსრულებელი

მოამზადა:



ივ. არჯენიშვილი

საქართველოს თავდაცვის სამინისტროს
სახელმწიფო შესყიდვების დეპარტამენტის
ელექტრონული შესყიდვების
სამმართველოს მთავარი სპეციალისტი

შესრულდა: საქართველოს თავდაცვის სამინისტროს სახელმწიფო შესყიდვების დეპარტამენტში